



Amt für Volksschule und Sport

Uffizi per la scola populara ed il sport

Ufficio per la scuola popolare e lo sport

Servetsch psicologic da scola

Cussegliaziun, diagnostica ed accumpagnament

per scolaras e scolars, persunas d'instrucziun, direcziuns da scola, autoritads da la scola populara u persunas responsablas per l'educaziun en cas da dumondas concernent:

**emprender
cumportament
educaziun
singularitads dal svilup
carriera da scola
difficultads psichicas e socialas
dinamicas en classa
svilup da la scola**

En **cass d'urgenza** (accident, mort e.s.) contact via 144 u noss secretariat (081 257 27 36).

Persunas responsablas per l'educaziun pon ans contactar sezzas en cas da dumondas (p.ex. per **cussegliaziun d'educaziun**), uffants/giuvenils abels da giuditgar a partir da circa 12 onns.

En cas da dumondas davart in'adattaziun da las finamiras da l'instrucziun, davart ina scolaziun speziala u davart in'exclusiun da la scola sto vegnir consultà il SPS avant che prender ina mesira.

La collavuraziun è confidenziala e senza custs.

La finamira da la collavuraziun è quella da sviluppar perspectivas utilas e da preschentar novas pussaivladads d'agir.

Cussegliaziun spezialisada

Independentamain d'ina annunzia d'ina scolara u d'in scolar pon **persunas d'instrucziun, direcziuns da scola ed autoritads da scola** contactar il SPS per ina cussegliaziun spezialisada, sco p.ex. per sclerir soluziuns pussaivlas durant ina situaziun difficila u per dumondas da la pedagogia u psicologia.

Proceder en cas da dumondas concernent uffants e giuvenils

Avant

- tut tenor giavisch/dumonda: nizzegiar las resursas spezialisadas en la scola (autras persunas d'instrucziun, pedagogia curativa, direcziun da la scola, ulteriuras persunas spezialisadas, nua ch'igl exista lavur sociala da scola)
- emprimas mesiras da promoziun (p.ex. promoziun senza adattaziun da finamiras)
- en cas d'intschertezza: pussaivel da consultar il SPS avant in'eventuala annunzia

Annunzia

- l'annunzia discutada cuminaivlamain da la persona d'instrucziun e da las persunas responsablas per l'educaziun succeda tras ina plattafurma electronica (il consentiment da las persunas responsablas per l'educziun sto esser avant maun)
- infos tar l'annunzia electronica e contact: www.avs.gr.ch>sps>annunzia (**MIRA**)

Scleriment

- chapir l'uffant sco unitad en ses svilup
- registrar fermezzas, deblezzas e resursas individualas sco er en ils conturns da l'uffant, en spezial en la famiglia ed en scola (tut tenor dumonda tras in discurs, ina observaziun, ina diagnostica da test, in gieu, ina visita da scola e.u.v.)

Cussegliaziun/ Maisa radunda

- resumar sistematicamain las differentas perspectivas ed enconuschientschas (da la scola, da la famiglia, da la psicologia da scola)
- elavurar novas soluziuns e novs svilups pussaivels
- fixar finamiras e mesiras da promoziun (protocol da la scola)

Rapport

- en cas da mesiras che pretendan tenor la lescha da scola in rapport resp. ina expertisa dal servetsch psicologic da scola (scolaziun speziala, adattaziun da las finamiras da l'instrucziun, exclusiun da la scola, cumpensaziun da dischavantatgs)

Accumpa- gnament

- per sustegnair il svilup e tenor convegna poi esser raschunaivel ch'il servetsch psicologic da scola accumpogna l'uffant, ils geniturs u la scola.
- Tut tenor po in accumpagnament vegnir purschi senza pass precedents.